



16. august 2019

UKA2019/59

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matu-muuna saqqummiuppara:

**Cannabisoliat CBD-mik (cannabidiolimik) imallit aamma annerpaamik 0,2 % THC-mik (tetrahydrocannabinolimik) imallit unioqqutitsinertaqaangitsumik pisiarineqarsinnaangornissaannut nioqqutigineqarsinnaangornissaannut kiisalu eqqunneqarsinnaangornissaannut Naalackersuisut peqquneqarnissaannik Inatsisartut aalajangiiffigisassaattut siunnersuut.**  
(Inatsisartunut ilaasortaq Justus Hansen, Demokraatit)

### Tungavilersuut

Naasoq Hamp (som cannabisimik pissarsivigineqartartoq) assigiinngitsunik 120-t sinnilinnik akuutissaqarpoq. Taakku ilaat marluk tassaapput CBD (cannabidiol) aamma THC (tetrahydrocannabinol), cannabinoiderini taaneqartartut.

CBD Danmarkimi inerteqqutaangilaq, nammineq aangajaarniutini akoqaanginnami, THC-li inerteqqutaavoq aangajaarniutitaqarmat. Cannabis ADHD-mik nappaatilinnut, sklerosertunut kiisalu anniaatinut naliginnaasunut pitsaasumik nipaallisaatitut atorneqarluarsinnaasoq ilimagineqarpoq.

Ilisimatuussutsikkulli suli uppersarneqangilaq cannabis kræftertunut katsorsaatitut atorneqarsinnaanersoq kisianni napparsimasorpasuit soorlu cannabisolia nakorsaatiminnut ilanngullugu atortarpaat malugisinnaallugu iluaqutigalugu.

Marts 2017-mi Naalackersuisut akueraat peruluttut cannabisimik nakorsaasinneqarsinnaalissasut<sup>1</sup>.

Danmarkimi 2018-mi akuersissutigineqarpoq akua THC-iusoq annerpaamik 0,2 %-iusinnaasoq, kingunerallugu cannabisoliat inerteqqutaajunnaarnerat THC-mik akoqarnerat taama mikitigigallartillugu. Naalackersuisut juulimi ukioq manna oqaatigaat<sup>2</sup>, oqartussaaffiit susasaqartut oqaloqatigineqartut ilumut assigusut nunatsinni akuerineqarsinnaanersut pillugu.

Demokraatini isumarput ersarippoq. Inuinaat cannabisinik qanoq ittuugaluartunilluunniit pisisinnaasariaqarput taakku aangajaarniutaangitsumik CBD-mik akoqarpata saniatigullu annerpaamik 0,2 % THC-mik akoqarpata. Uangutsinnut pingaaruteqarpoq innuttaasut katsorsartinnermini nakorsaataangitsunik pinngortitali tunniussinnaasaanik atuinissaminnut kiffaangissuseqartinneqarnissaat.

<sup>1</sup> <https://naalackersuisut.gl/kl-GL/Naalackersuisut/Pisut/2017/03/240317-Medicinsk-cannabis-godkendes>

<sup>2</sup> § 37 naapertorlugu apeqqummut nor. 217/2019-mut Naalackersuisuts akisstutaat.



Taamatut oqaaseqarlunga qilanaarpunga Naalakkersuisut akissuteqarnissaannut kiisalu partiit allat ilanngussassaannut.

**Pisortanut aningaasaqarnikkut allaffissornikkullu kingunerisassai**

Cannabisoliat, CBD-nik akullit aamma annerpaamik THC-mik 0,2 %-mik akullit pissarsiarineqarsinnaangussappata aanngajaarniutit pillugit Inatsisartut inatsisissaannik siunnersuusiortoqartariaqassaaq kiisalu nalunaarusiortoqarluni inatsit tunngavigalugu. Allaffissornermi aningaasartuutit tassunga atorneqartussat, nutserinissaq, tusarniaanissaq inatsisillu oqaasertaasa misissornissaat ilanngullugit, ukiup affaani ilinniagartuup sulinerani aningaasartuutinit annerunaviangitsut naatsorsuutigineqarpoq.

**Inuussutissarsiornermut aningaasaqarnikkut allaffissornikkullu kingunerisassai**

Sulliviit ataasiakkaat kaaviiartitaat alliallassapput, nioqqutissat nutaanik ilappata. Isertitali angisoorsuunaviangillat.

**Innuttaasunut aningaasaqarnikkut allaffissornikkullu kingunerisassai**

Innuttaasut tamarmik periarfissaqalissapput pisinissmainnut aamma cannabisolianik eqquassinissaminut.